

প্রকাশক—

শ্রীনরেন্দ্র নাথ দে

১৪৯, বলরাম দে ষ্ট্রীট, কলিকাতা

মুদ্রাকর— শ্রীপুলিনবিহারী দে

“দি ফাইন প্রিটিং ওয়ার্কস্”

৩৪৭।১ নং অগার চিংপুর রোড, কলিকাতা

মুখবন্ধ ।

দু' বছর আগে "চারণ" পত্রিকায় কালবৈশাখীর শেষাংশ প্রকাশিত হয় । অধুনা কোন বিশিষ্ট পত্রিকার জন্ম নাটকটি সম্পূর্ণ লিখতে শুরু করি । আখ্যান-ভাগ ও রচনা আমার শ্রেয়তম বন্ধু শ্রীযুক্ত হরিদাস শীলের খুব ভালো লাগে । পরে একদিন তাঁ'রই অনুরোধে আমার অন্ততম বন্ধু রঙমহলের বিশিষ্ট অভিনেতা শ্রীযুক্ত রবীন্দ্রমোহন রায়কে পড়িয়া শোনাই । সোভাগ্যক্রমে নাটকটি রবীন্দ্রমোহনের দৃষ্টি আকর্ষণ কবে । সেই দিনই নাটকটি তিনি রঙমহলের খ্যাতনামা প্রযোজক শ্রীযুক্ত সতু সেনাকে শোনান । পাণ্ডুলিপি আর আমাকে ফেরত দেওয়া হয়নি এবং দিন কয়েক পরেই নাটকটি রঙমহলে অভিনয়ার্থে বিজ্ঞাপিত হয়েছে দেখলাম । নাটকটি সাধারণের গোচরে আনবার সুযোগ দিয়েছেন এই তিনজন, স্মরণ্যঃ তাঁ'দের নিকট কৃতজ্ঞতা স্বীকার আমার কর্তব্য ।

অপরাজেয় সুবিশিষ্টী শ্রীকৃষ্ণচন্দ্র দে নাটকখানিতে যে সঙ্গীতের ধারা প্রবাহিত কোরেছেন তা' এক কথায় মনোমগ্ন । তাঁ'র কাছে কৃতজ্ঞতা স্বীকার না কোরলে প্রত্যাব্যভাগী হোতে হয় ।

আমার অন্ততম বন্ধু শ্রীযুক্ত গোবিন্দলাল চক্রবর্তী এবং অন্যান্য যে সকল বন্ধু উৎসাহ দিয়ে এই নাটক প্রণয়নে সহায়তা কোরেছেন তাঁ'দের নিকটও আমি কম কৃতজ্ঞ নই । ইতি—

মিনার্ভা ইন্সটিটিউট

কলিকাতা ।

জগন্নাটমী, ৮ই ভাদ্র, ১৩৩২

}

শ্রীমনীন্দ্রনাথ সিংহ

উদ্বোধন-রজনীর অভিনেতৃগণ ।

ভুবনমোহন—শ্রী প্রফুল্লকুমার দাস ।

মৃগাল—শ্রী রবীন্দ্রমোহন রায় ।

বিজন—শ্রী হরেন্দ্রমোহন রায় (এমেচার) ।

মহেন্দ্র—শ্রী যুগল দত্ত ।

নরেন্দ্র—শ্রী কুমুম গোস্বামী ।

বৈরাগী—শ্রী কৃষ্ণচন্দ্র দে (অন্ধগায়ক) ।

বাউল—শ্রী মৃগাল ঘোষ ।

বিন্দু—শ্রীমতী প্রকাশমণি ।

সুরমা—শ্রীমতী চারুবালা ।

কমল—শ্রীমতী সরস্বালা ।

রমা—শ্রীমতী সূর্যমুখী ।

রেণু—শ্রীমতী সুনীলাবালা ।

শান্তি—শ্রীমতী কমলাবালা ।

মালতী—শ্রীমতী সরস্বতী ।



চরিত্র-পরিচয়

ভুবনমোহন	...	জনৈক বিপত্তীক বৃদ্ধ।
মৃগাল	...	ঐ পুত্র।
বিজন	..	জনৈক অবিবাহিত যুবক।
মহেন্দ্র	..	মৃগালের বন্ধু।
নরেন্দ্র	...	ঐ
সুনীল	...	মৃগালের জনৈক সহচর।
কিন্দুবাসিনী	...	ভুবনমোহনের বিধবা ভগ্নী।
সুরমা	...	মৃগালের স্ত্রী।
কমল	...	ভুবনমোহনের অনুচা কন্যা।
রেবা	...	কমলের বান্ধবীগণ।
রমা	...	
রেণু	...	
শান্তি	...	
মালতী	...	ভুবনমোহনের পরিচারিকা
বৈরাগী—		
ও		
বাউল—		

কালবৈশাখা

কয়েক বিন্দু অশ্রুক্রমাৎ দেখা দিল।
অশ্রুক্রমাৎ পরে মৃগাল বাহির হইতে প্রবেশ
করিল।]

মৃগাল

সুরমা ; এ কি তোমার চোখে জল কেন ?

সুরমা

(চোখের জল মুছিতে মুছিতে)

না, ও কিছু নয়।

মৃগাল

আমায় লুকোতে চেষ্টা কোরো না সুরমা।

[অশান্তভাবে বসিল।]

(শুষ্ককণ্ঠে)

তবে ভূমিও আমাদের এ কষ্টে কাতর। আমার একটা সান্ত্বনা ছিল,
দুঃখের মধ্যে একটা স্থগ ছিল, যে আমাদের এ কষ্টে যতই দুঃসং
শোক না কেন, আমরা দু'জনা অকাতরে সযেছি সে বেদনা, দু'জনা
সানন্দে ভাগ কোবে নিয়েছি সে দুঃখের অংশ। মুখে ভূমি দেখাতে
সহানুভূতি, আর অন্তরে পুষে' বেখেছো এই নিদাক্রম মর্মান্বিতা।

সুরমা

(কাপড়ের খুঁট আঙুলে জড়াইতে জড়াইতে)

আমি আমার জন্ত মোটেই কাতর নই, কিন্তু তোমার এ দুর্দশার কারণ
আমায় ক্ষণে অক্ষণে কম পীড়ন করে না।

মৃগাল

(শুষ্ক হাসি হাসিয়া)

সুরমা, এ আমার দুর্দশা কি সুদশা জানি না, তবে আমার মনে হয় তোমার নিবিড়তর কোরে পাবার জন্ত এরও প্রয়োজন ছিল। তোমায় পাবার আগ্রহে কোথায় চলে যায় আমার এ আকুল ভাবনারাশি, আমি জানি না। অবস্থা বিপর্যয়ে কাতর আমি হইনি কোন দিন; তোমার মুখের হাসি আমায় নিত্য উৎসাহিত কোরতো এই বাধা বিপত্তি অতিক্রম কোরতে। কিন্তু আজ যখন সে হাসি বিদায় নিয়েছে তোমার ওষ্ঠপ্রান্ত হোতে, তখন কোন্ প্রাণে আমি এই নিত্যনূতন বিপদের সম্মুখীন হ'ব ?

সুরমা

(সঙ্কুচিতভাবে)

তুমি আমায় ভুল বুঝো না, বিপদে সাহস আমি এখনও হারাইনি।

মৃগাল

তোমায় ভুল বুঝলে যে আমায় নিজেকে ভুলতে হয় আগে সুরমা। আমায় বল লক্ষ্মীটি, তবে অকারণ চোখের জল ফেলছিলে কেন ?

সুরমা

অতিথি দুয়ার হোতে ব্যর্থ-মনোরথ হোরে ফিরে গেলে কা'র প্রাণ না কাতর হয় ?

মৃগাল

সুরমা, অভাবের নিষ্পীড়নে দয়া, মায়া, তোমার মনের মধ্যে এখনও অটুট আছে ? প্রথম প্রথম অতিথিকে বিমুখ কোরতে আমারও কম কষ্ট হোত না কিন্তু আজকাল সে দুঃখও আমার সয়ে গেছে। তবে একটা প্রশ্ন আমার মনের মধ্যে প্রায়ই জাগে যে বিশ্বের সমস্ত

কালবৈশাখ

মৃগাল

(কিছুক্ষণ শুরু হইয়া রহিল—তা'রপর ঘাড় নাড়িয়া)

না সুরমা, কাজ নেই, কমল হয়ত ভুল বুঝেছে। তাঁ'কে আমি খুব চিনি, তিনি আমার এ চ্যুতি কোনদিন ক্ষমা কোরতে পারবেন না। দাবী'র 'সম্বন্ধ যেখানে, ভিক্ষার আবেদন সেখানে যে কী বিড়ম্বনা, তা' তুমি জানো না। আমায় এ সম্বন্ধে আর প্রশ্ন কোরো না সুরমা—
আর ও সুখের মরীচিকা আমার সামনে ধোরো না।

সুরমা

তুমি সন্তান, পিতার ককণায় আজো রক্তশ্রোত প্রবাহিত হচ্ছে তোমার দেহে, তাঁ'র কাছে আবেদন কোন কাজ নেই। তুমি তাঁ'র একটি মাত্র পুত্র, তোমার কি উচিত এই নৈরাশ্যের ব্যথা তাঁ'র হৃদয়ে জাগিয়ে তোলা, যখন ব্যাকুল হোয়ে চেয়ে আছেন তিনি তোমার আশা প্রতীক্ষায়।

মৃগাল

(শুককণ্ঠে)

সতাই সুরমা, আমি অভাগা, যদি এই দাহনে আমি একা দগ্ধ হোতাম ত বিন্দুমাত্র বিচলিত হোতাম না, কিন্তু এ দাহন ছড়িয়ে দিয়েছি আমি সবার বুকে,—তোমার, মেহময় পিতার ও আমার সোনার কমলের বুকে। আমি এমনই ভাগ্যহীন, যে জগতে সবার প্রাপ্য থেকে আমি যেমন তা'দের বঞ্চিত কোরেছি, তেমনই নিজেও বঞ্চিত হইনি কম।

সুরমা

(সান্ত্বরণে)

তবে চল ; আমার কথা শোন, যে বিচ্ছেদের অনল আমরা জ্বালিয়ে

ভুলেছি সেই অনল নির্ঝাপিত কোরে দিই এই আকস্মিক মিলনের
আনন্দাশ্রুতে ।

মৃগাল

বেশ, সেদিনও যেমন তোমার জন্মই অকাতরে ছিন্ন কোরেছিলাম
এই নেহের বন্ধন, আজো তেমনই তোমার অনুরোধে দৃঢ় কোরে
তোলবার চেষ্টা কোরবো এই বন্ধন । হয়ত অনেকেই আমায় উপহাস
কোরবে আমার এ দুর্বলতা দেখে, কিন্তু তোমার হাসিই হ'বে আমার
একমাত্র পাথর ।

(সন্দিক্তভাবে)

আজো আমি সন্দিক্ত, সুরমা, যে পিতা আমায় ক্ষমা কোরবেন
কি না ?

সুরমা

যদি তিনি ক্ষমা না করেন, ত তাঁ'র পা জড়িয়ে বোলবো, আমরা
আবেদন কোরতে আসি নি আমাদের জন্ম, এসেছি আপনার
ভবিষ্যৎ বংশধরের জন্ম । আমার স্থিরবিশ্বাস, এ কথা শুনে তিনি
আর ফিরিয়ে দিতে পারবেন না ।

মৃগাল

কিন্তু সুরমা যদি বিমুগ্ধ হয়েই ফিরতে হয় ?

সুরমা

তা'তে ত লজ্জার কিছু নেই ; তিনি গুরুজন, তাঁ'র কাছে যদি নিষ্ফল
আবেদনই কোরতে হয় ত ক্ষতি কি ?

কালবৈশাখী

সুরমা

বাবার নামে একটা টেলিগ্রাম কোরে দাও যে কাল রাতেই আমরা পৌছাব।

মৃগাল

(সাস্চর্যে)

কাল রাতেই!

সুরমা

(সম্মিত-মুখে)

হাঁ, গো হাঁ, রাত্রি প্রায় দশটা; আমি টাইম-টেবল দেখে রেখেছি।

মৃগাল

(উদ্ভিগ্নভাবে)

সব কাজে এত তাড়া ভাল নয় সুরমা। তা'র চেয়ে তুমি বরং সঠিক খবরের জন্য কমলকে চিঠি দাও।

সুরমা

(সকাতরে)

না, গো না, এই অনুবোধটি আমার রাখে।

মৃগাল

(সুরমার চিবুক ধরিয়ে)

আদেশ বল না হুটু।

সুরমা

(কৃত্রিম গাভীর্ঘ্য সহকারে)

হাঁ, মিছে দেরী কোরো না।

মৃগাল

সুরমা আর দেবী কোরে কাজ নেই; ঐ শোন প্রভাতী গেরে চলে
গেলো বৈরাগী ।

সুরমা

কিন্তু তুমি যে বড় শ্রান্ত; একটু জিরিয়ে নাও—এইটুকু আসতেই
হাঁপিয়ে পড়েছো ।

মৃগাল

এখনও গ্রামের পথটুকু পার হই নি; আর ত অপেক্ষা কোরলে
চলবে না ।

সুরমা

এখনও পথ অনেকটা, এই দুর্বল শরীর নিয়ে তুমি ত অতটা পথ
চলতে পারবে না ।

মৃগাল

(উদ্বিগ্নভাবে)

কিন্তু আমায় যেমন কোরে হোক যেতেই যে হ'বে সুরমা । চল তোমার
কাঁধে ভর দিয়ে যাই ।

[কাঁধে ভর দিয়া চলিবার ব্যর্থ
চেষ্টা করিল ।]

না, এও পারছি না । ভগবান! এত আশা জাগিয়ে তুলে শেষে কি
নিরাশ কোরবে ?

সুরমা

আমি বলি আজ থাক । তুমি একটু স্থস্থ হোলোই বা'বার সন্ধা করা
যাবে আর একদিন ।

কালবৈশাখী

মৃগাল

(অধীরভাবে)

কিন্তু সেখানে না গেলে যে আমি স্তূহ হোতে পারবো না । কত
আশা নিয়ে আজ তা'দের রাত্রি প্রভাত হোয়েছে—না সুরমা,
আমি পারবো না তা'দের সে আশায় নিরাশ কোরতে ।

সুরমা

অবুঝের মত কাজ কোরো না ; ঐ ত আমাদের কুটির দেখা যাচ্ছে ;
—চল একটু বিশ্রাম কোরে—

মৃগাল

(উত্তেজিতভাবে)

অবুঝ আমি ছিলাম না সুরমা, তুমিই আমায় অবুঝ কোরেছো ।
ফিরে যা'বার এ ব্যাকুলতা, তুমিই আমার মনে জাগিয়েছো ।
আমার এ আকুল কামনার শেষ কোথায় জানি না, তবু আমায়
যেতেই যে হ'বে । তোমায় একটা কথা বলিনি সুরমা, পাছে তুমি
অকল্যাণ ভেবে না যাও । কাল রাত্রে ঘুমের ঘোরে কে যেন আমায়
হাতছানি দিয়ে ডাকলে ;—মনে হোল, সে যেন—সে যেই হোক তা'র
আহ্বানে সাড়া দেবার জন্ত মন আমার উদ্বেল হোয়ে উঠেছে ।

সুরমা

হয়ত ঘুমঘোরে কমলকে স্বপ্ন দেখেছো ।

মৃগাল

তাই হ'বে । তাইত বোলছি আর আমার অপেক্ষা করা চলে না ।
চল, সুরমা ।

[সুরমা নিশ্চল সাড়াইয়া রহিল ।]

সুরমা

(নতমুখে)

না, না, পর ভাববো কেন ?

সুনীল

এই অসুস্থ শরীরে মৃগালদাকে এতটা পথ হাঁটিয়ে ডাক্তারের বাড়ী না নিয়ে গেলে কি চলতো না ? আমায় একটা খবর দিলে ত হোত । চল, বাড়ী ফিরে চল ।

মৃগাল

অসুখ শুধু আমার দেহের নয় সুনীল, অসুখ মনেরও ।

সুনীল

ব্যাপার কি খুলে বলো ত ?

[মৃগাল নিরুত্তর ।]

তোমাদের আজ হোল কি বৌদি ?

সুরমা

কিছু হয় নি সুনীল ।

সুনীল

না, মনে হোচ্ছে কি যেন একটা লুকোবার চেষ্টা কোরছো তোমরা ।

(অভিমানভরে)

বেশ, আমি শুন্তে চাই না কিছু,—যাও তোমরা ।

[সুনীল চলিয়া যাইতেছিল, মৃগাল বাধা দিল ।]

(সুরমার উদ্দেশ্যে)

বৌদি, তুমি না বোলতে যে কোন কথাই তুমি আমার নিকট গোপন
করো না ?

[সুরমা নিরুত্তর ।]

মৃগাল

ওর ওপর মিথ্যা দোষারোপ কোরেছিস কেন সুনীল ?

সুনীল

(আগ্রহসহকারে)

আবার কবে ফিরবে মৃগালদা ?

মৃগাল

তা'র কোন স্থিরতা নেই সুনীল ।

সুনীল

তবেই ত তুমি ভাবিয়ে তুললে মৃগালদা ।

(খানিক ভাবিয়া)

আমাদের সমিতির কি হ'বে ?

মৃগাল

আমার উপযুক্ত ভাইটির হাতে দিয়ে গেলাম ।

সুনীল

(অস্থিরভাবে মাথা নাড়িয়া)

এ গুরুভার ত আমি বহন কোরতে পারবো না মৃগালদা ।

মৃগাল

(হৃৎকণ্ঠে)

খুব পারবে ।

সুনীল

বেশ চল; আমি তোমাদের ট্রেন অবধি পৌঁছে দিয়ে আসি।

(মঞ্চে চলিতে চলিতে)

তা'তে কোন আপত্তি নেই ত বৌদি ?

সুরমা

আমার ওপর মিথ্যা অভিমান কোরছিস কেন সুনীল ? তুই কি জানিস
না তোর—

সুনীল

(ঈষৎ হাসিয়া, পরে বাধা দিয়া)

আর কথার জাল বুনতে হ'বে না। ফিরে এসো একবার তা'র পর
হ'বে তোমার মঞ্চে বোঝাপড়া।

[তিনজনে চলিয়া গেল।]

—

তৃতীয় অঙ্ক



[দৃশ্য-পরিচয় :—ভুবনমোহনের সুসজ্জিত হল ঘর—দেওয়ালে কয়েকখানি প্রতিকৃতি টাঙ্গানো রয়েছে—সন্ধ্যা হয়-হয়। যবনিকা উঠিতেই দেখা গেলো কমল আরাম কেদারায় অপেক্ষা কোরছে।]

কমল

আজকের এ বেলা যেন কাটতেই চায় না—কত যুগ ত কেটে গেছে তাঁর অদর্শনে কিন্তু এই ক’টি মুহূর্ত যেন অসহ্য দীর্ঘ বোলে মনে হচ্ছে।

[মালতী প্রবেশ করিল]

আমার চিঠিখানি বিজনবাবুকে দিয়ে এসেছিস মালতী ?

মালতী

হাঁ দিদিমণি।

কমল

তিনি কি বোললেন ?

মালতী

সন্ধ্যার পরেই তিনি আসবেন।

কমল

মালতী, বারো বছর আগেকার কথা তো’র মনে পড়ে ?

কমল

(হতাশভাবে)

তবে ত হোল না পিসি, মিলবে না ত আমার মানসপটে আঁকা তাঁ'র
ছবি, যা' গোপনে সবার অন্তরালে অমলিন রেখে দিয়েছি আমি ।

বিন্দু

তুই কা'র কথা বোল্‌ছিস কমল ? তো'র অভাগিনা মায়ের—

কমল

না পিসি, সে মূর্তি ত শত চেষ্টারও আমি কল্পনায় আন্তে পারি না ।

বিন্দু

তা' কেমন কোরে পারবি কমল, তখন ত তুই সবে দু' বছরের ।

কমল

পিসি, যা'কে পাওয়া যাবে না আমার অন্তরের সমস্ত ব্যাকুল কামনা
দিয়েও, তাঁ'র জন্ম মিথ্যা শোক আমি করি না । আমি বোল্‌ছিলাম
দাদাব কথা ।

বিন্দু

বেশ ত আর একটু পরেই মিলিয়ে দেখিস না তো'র অন্তরের মূর্তির
সঙ্গে তো'র দাদার বর্তমান চেহারা ।

কমল

কিন্তু পিসি, যদি মে আসে নূতন মূর্তিতে, অচেনা বেশে, তবে হয়ত
একটা অহেতুক কুণ্ডা আমায় বিরে থাকবে । এই কুণ্ডাই আজ বড়
হোয়ে দাঁড়াবে আমাদের পরিচয়ের মাঝে ।

কাগজবৈশাখী

বিন্দু

তা' কি কখনো হয় কমল ?

কমল

(হাত ধরিয়া)

• আমার একটা অনুরোধ রাখবে পিসি ?

বিন্দু

তো'র কোন্ অনুরোধ আমি রাখি নি কমল ?

কমল

(গদগদভাবে)

সেই জন্মই ত' অসহ্য আবদারে তোমায় অতিষ্ঠ কোরে ভুলি ।

(সকা'তরে)

আজ দাদা এলে অভিমানের বাঁধ সরিয়ে তা'কে তোমায় সাদর অভ্যর্থনা কোরতে হ'বে ।

বিন্দু

এ কথা আমি ভুলি নি কমল, যে আজকের এ উৎসবের আলো অভিমানের বর্জিকায় জন্বে না ।

কমল

(স্বস্তির শ্বাস ফেলিয়া)

এই কথাটাই মনে রেখো পিসি ।

বিন্দু

যাক্ যে কথা বোলতে এসেছিলাম শোন্ কমল । তো'র বাবা বোলছেন যে আজকে উৎসব বন্ধ রাখাই সমীচীন ।

কালবৈশাখী

চরণ-ধ্বনি কোন অতিথির

বাজলো হৃদয়-অঙ্গনে ?

উতল হাওয়ায় কাহার ছোঁয়াচ্

লাগলো মধুর কম্পনে ?

[সঙ্গীত শেষ হ'বার পূর্বেই বিজন
নিঃশব্দে অবশ্য করিল ।]

বিজন

কমল !

কমল

(চমকিত হইয়া)

এসেছেন বিজনবাবু ?

বিজন

এখনও এ ঘর তোমার সঙ্গীতের মধুর উচ্ছ্বাসে ভরপুর, মনে হোচ্ছে
সমস্ত ধরা বুঝি এই সুরময়, সঙ্গীতময় ।

কমল

আজ আমি বড় আনন্দিত বিজনবাবু । আনন্দের এ উচ্ছ্বাসে চেপে
রাখতে পারছি না আমার এ ক্ষুদ্র বুক ।

বিজন

তোমার এ উচ্ছ্বাসের কারণ আমি জানতে পারি না কমল ?

কমল

কেন পা'বেন না বিজনবাবু ? বারো বছর যা'কে দেখিনি অগতঃ হৃদয়ের

কালবৈশাখী

বিজন

আশা-নিরাশার মধ্যে আর আমি থাকতে পারি না কমল। মুখ ফুটে এতদিন যা' বোলতে সাহস করি নি, আজ সেই কথাই বোলবো।

কমল

চোখের ভাষা কি মুখের ভাষার চেয়ে কম অর্থহীন? আপনার অন্তরের ব্যাকুলতা সমস্তই চোখের ভাষায় প্রতিভাত হোতে দেখেছি আব অন্তরে আমার পুলকের লহর বয়ে গেছে।

বিজন

কিন্তু তোমার উদাস চাহনিত্তে আমি কিছুই বুঝতে পারি না। আনি বড় সন্দ্বিহান্; মন আমার বড় ভঙ্গুর। আজকেব বিশ্বাস আমার, কালকের অবিশ্বাসে পরিণত হয়। তাই কতদিন কোশলে জানতে চেয়েছি তোমার মুখের একটা কথা, কিন্তু আজো তা'র ষণার্থ উত্তর পাই নি।

(গানিক থামিয়া)

মনে পড়ে আনাদের প্রথম পরিচয়ের কথা ?

কমল

হাঁ, যেদিন আমি পথ হারাই। পথের সন্ধানে ব্যর্থ চেষ্টার পর আকুল অন্তরে চোখ বুজে দেবতার চরণে নিবেদন জানালাম, চোখ খুলে প্রথম দেখলাম আপনাকে, অপলক নয়নে চেয়ে রইলাম ঐ মুখের দিকে। কোথায় গেলো আমার আজীবন সংস্কার, আর কোথায় গেলো আমার নারীসুলভ লজ্জা? অন্তরের অন্তরতম প্রদেশ হোতে কে যেন বোলে উঠলো, “ওরে, যে দেবতার চরণে নিবেদন জানিয়েছিস সে যে তো'র চোখের সামনে—”

বিজন

কপোল বেয়ে তোমার অশ্রুধারা আমার চরণে বিন্দু বিন্দু ঝরে পড়তে লাগলো। জিজ্ঞাসা কোরলাম তোমার পরিচয়—অকুণ্ঠিত চিত্তে জানালে তোমার বিপদের কথা।

কমল

সেদিনও যেমন বিশ্বাস কোরে আপনার উপর নির্ভর কোরেছিলাম, আজো তেমনই সমান বিশ্বাসে আমি আপনাকে ডেকে পাঠিয়েছি।

বিজন

কিন্তু সেদিনও তুমি যেমন রহস্যময়ী ছিলে আজো আছে তেমনই।

কমল

(বিশ্বয়ের ভাণ করিয়া)

আমাদের এতদিনের পরিচয়ে কি বন্ধুত্বের বন্ধন নিবিড়তর হয় নি বিজনবাবু ?

বিজন

কিন্তু কি কোরবো আমি এই বন্ধুত্বের বন্ধন নিয়ে ; নিবিড়তম বন্ধনের আশায় ঘুরে বেড়াচ্ছি কতদিন, কতদিন ধরে।

কমল

কিন্তু এই বন্ধুত্বের বন্ধনই কি একদিন আপনার কাম্য ছিলো না ?

বিজন

ছিলো কমল, ছিলো। কিন্তু এখন আর এ নিয়ে আমি সন্তুষ্ট হোতে পারি না। পাওয়ার প্রাচুর্য্যে আমার আকাঙ্ক্ষার গণ্ডী আজ বেড়ে গেছে। একদিন পা'বো না জেনে যেটুকু পেয়ে সন্তুষ্ট হোতাম আজ

কালবৈশাখী

বিজন

কি ?

বিন্দু

মৃগাণ, বারো বছর পরে আজ রাতে ফিবে আসবে ।

বিজন

ওঃ, এ খবর আমি পেয়েছি কমলের কাছ থেকে, কিন্তু কি যে কোরতে হবে জানি না ।

বিন্দু

আয়োজনের আকস্মিকতায় কমল তা'র ভা'য়ের মনে চমক লাগাতে চায়; তাই বোধ হয় তা'কে সাহায্য করবার জন্তু তোমায় ডেকে পাঠিয়েছিলো । তুমি একটু অপেক্ষা করো, আমি পাঠিয়ে দিচ্ছি কমলকে ।

[বিন্দু ভিতরে গেলো]

বিজন

(আপন মনে)

হারানো ভাইকে ফিরে পা'বে কমল, আর আমি পেলাম শান্তি যা' বিদায় নিয়েছিলো আমার মন থেকে পরিচয়ের প্রথম রাতে । মানুষের এ কি স্বভাব ? ঋণমুক্তির পরিচয় শাস্বত কোরে তোল'ব তা'র কা' অগীম আগ্রহ ! নিজেকে নিঃস্ব করবার একি ব্যাকুলতা ? প্রতিদান পেয়েও শান্তি নেই, মনে হয় কোথায় যেন একটা ফাঁক রয়ে গেছে । সেই কল্পিত ব্যবধান সরাবান জন্তু কা' অসাম উৎসাহ ।

(খানিক ভাবিয়া)

ভালোবাসার সঙ্গে তুলনা হোতে পারে মরীচিকার—যে তা'র সন্ধানে পাড়ি দেবে, অশান্তি-সাগরের প্লাবন হোতে নিষ্কৃতি তা'র নেই ।

পরশ। সে যে কেমন একটা আলোছায়া মেলামেশা। আমি যেন একটা অতীন্দ্রিয় রাজ্যে চলে গেলাম, দেখলাম আমার লক্ষীর রূপ যেন আর ধরে না। সেই পরিচিত হাসি হেসে সে যেন িজ্ঞাসা কোরলে ‘অমন নিস্পলক চেয়ে রয়েছো কেন? ...আমায় িন্তে পারলে না বুঝি?’ এ মধুর আবেশ বহুদিন পাই নি, তাই ত উত্তর দিলাম না। জানি ওরা অশরীরী মায়া, হয়ত আমার উত্তর পেলেই চলে যাবে; তাই চুপ কোরে রইলাম।

বিন্দু

(সাগ্রহে)

তা’র পর।

ভুবন

আবার শ্রান্ত হিয়া কখন তন্দ্রার আবেশে চলে পড়েছে জানি না। অক্ষুট আর্তনাদে সে তন্দ্রাও আমার টুটে গেলো। পরিচিত স্বর যেন আমার কানে ভেসে এলো। আক্ষেপ-ভরা সুরে শুনলাম মৃগাল বোলছে “সুরমা, রাত্রি অবসানের আর কত দেরী? ততক্ষণে কি আমার এ যন্ত্রণার উপশম হ’বে না? আর ত পারি না..... উঃ।” ওরে, সে ব্যথার আর্তনাদ যেন আমার গৃহকোণ হোতে উঠলো আবার পরক্ষণেই মিলিয়ে গেলো সে কান্নার রেশ। ধীরে ধীরে উঠলাম শয্যা ছেড়ে, অতি সঙ্কোচে জ্বাললাম প্রদীপ, তন্ন তন্ন কোরে খুঁজলাম সারা ঘরটা কিন্তু কোথায় সুরমা আর কোথায় মৃগাল?

বিন্দু

থাক্ ও কথা থাক্ দাদা।

কালবৈশাখী

ভুবন

না, না, তা'র পর শোন। নৈরাশ্রের ব্যথায় ভেঙ্গে পড়লো আমার মন ; অস্থিরভাবে বারকয়েক পায়চারি কোরলাম সারা ঘরটা। লুক্ক মন আমার চাইছিলো আবার সে স্বপ্নে ভুলিয়ে দিতে তা'র অস্তিত্ব কিন্তু গা আমার ঠুশিউরে উঠছিলো। আমার মনের মাঝে হৃন্দ সুরু হোল, অবশেষে জয় হোল লুক্ক মনের। আবার শয্যায় গা ঢেলে দিলাম। আমি বুঝতে পারি না এত ঘুম আমার কাল এলো কোথা হোতে ? আবার অনুভব কোরলাম কমলের না এসেছে ; পরিচিত পায়ের শব্দে গৃহকোণ মুখর হোয়ে উঠলো। হঠাৎ শ্লেষ-মাখানো সুরে সে যেন বোললে “তোমার হাতে আমার ছেলের এত অনাদর হ'বে জান্তাম না। তা'র সমস্ত সস্তাপ ভুলিয়ে তাই আমি তা'কে আজ বুকে তুলে নিয়েছি।” মিনতির সুরে তা'কে বোললাম “সত্যি আমার অন্তায় হোয়ে গেছে ; আর একটি সুযোগ আমায় দাও।” উত্তরে সে বোললে “বারোটি বছর অপেক্ষা কোরেছিলাম এরই জন্ত। জানো না সস্তানের অনাদর মা'র প্রাণে কেমন বাজে ? তা'কে এখন যেখানে এনেছি সেখান থেকে কেউ ফিরে যেতে পারে না।” মিনতি-মাখানো সুরে তা'কে অহুরোধ কোরলাম কিন্তু উত্তরে পেলাম তা'র ব্যঙ্গভরা অট্টহাসি যা'র সঙ্গে জীবনে আমার কোনদিন পরিচয় ছিল না। বিন্দু ! কমল !

বিন্দু

কমল যে নেই দাদা, আমি তা'কে ডেকে আনছি।

ভুবন

না কাজ নেই। আচ্ছা বিন্দু, স্বপ্ন কি কখনো সত্য হয় ?

ভুবন

কিন্তু তুই যদি আমারই মত ভুগতিস তবে তোরও বিশ্বাস হারিয়ে যেতো কমল। জীবনে যে আলো লক্ষ্য কোরে ছুটেছি বারবার, সে হচ্ছে আলোর আলো। যখনই মনে হয়েছে জীবনের কোনো একটা নির্দিষ্ট পথের খুব কাছে এসেছি তখনই দেখেছি লক্ষ্যপথ থেকে দূরে, বহুদূরে চলে গেছি। বল দেখি কমল, কেমন কোরে নির্ভর কোরতে পারি কোন না-পাওয়া জিনিষের ওপর ?

কমল

কিন্তু বাবা যে হতভাগ্য, বারো বছর ধরে পায় নি পিতার মেহ, ভয়ীর ভালোবাসা, তা'কে আজ কেমন কোবে অতি-সাধারণের মত বরণ কোরবো ?

ভুবন

তাই ত মা দোষ তোকেও দিতে পারি না। সুখের কল্পনাও যে আমি কোরতে পারি না,—আমার মনে হয় এ সুখ নয়, এ কোন অমঙ্গলের অগ্রদূত।

কমল

চল বাবা, ভিতরে চল, তুমি বড় শ্রান্ত।

[কমলের কাঁধে হাত দিয়া ভুবন-মোহন ভিতরে-গেলো। বাহির হইতে গান গাহিতে গাহিতে বাউল প্রবেশ করিল।]

কালবৈশাখী

রেবা

(সাস্চর্য্যে)

কেন ?

কমল

(আপন মনে ,

বার বার এই একই সংশয়ের রেখা !

(রেবার উদ্দেশ্যে)

উৎসবের বিরুদ্ধে এ অভিযান তোদের কেন ?

রেবা

(সঙ্কুচিতভাবে)

কিন্তু এ আলো যে আমি সহিতে পারি না কমল । এ মিথ্যা অভিনয় নিয়ে আমি যে আর তৃপ্ত হোতে পারি না ।

[কমল রেবার মুখের পানে অবাক
হোয়ে চেয়ে রইলো ।]

কমল

তো'র আজ হ'ণ্ডো কি রেবা ?

রেবা

(সোৎসূকে)

ছেলেবেলার কথা তো'র মনে পড়ে কমল ?

কমল

সে সব ভুলতে আমি আজো পারিনি রেবা । অতীতের সে দিনগুলো
সব্বলে স্বতির মন্দিরে তুলে রেখেছি ।

রেবা

(ভয়কণ্ঠে)

তাই যদি হয় ত কোন্ প্রাণে আমি এ অনাদর সহ কোরবো বল
কমল। আমি স্পষ্ট দেখতে পাচ্ছি, আমার ভালোবাসার আসন
স্থানচ্যুত, অপরের আসন সেখানে সুপ্রতিষ্ঠিত।

কমল

কিন্তু এ কথা ভুলে গেলে চন্বে কেন রেবা, যে স্ত্রীর অঞ্চল ছাড়া
পুরুষের ভিন্ন জগৎ আছে। শত প্রলোভন যদি ধাঁধায় তা'দের
চোখ ত স্ত্রীর কি উচিৎ স্বামীকে উপেক্ষা করা ?

রেবা

(উত্তেজিতভাবে)

আর যদি ক্ষণমুহূর্তের উত্তেজনায় এই বহির্জগতের সংস্পর্শে নারী
আসে ত সমাজের অনুশাসনে তা'র পবিত্রতা হয় ক্ষুণ্ণ! কিন্তু
পুরুষদের বিধান স্বতন্ত্র।

কমল

হিন্দুনারীর আদর্শ যে ভিন্ন রেবা।

রেবা

(হতাশভাবে)

মিথ্যা আদর্শ নিয়ে আমি আর কি কোরবো কমল? আমি এখন
ভাবি কমল, কেমন কোরে ফিরে পা'বো যে ভালোবাসা আমি তাঁ'কে
দিয়েছি। তাঁ'কে ভুলে আমি চাই শান্তি। আমায় সেই শান্তির
সন্ধান দিতে পারিস কমল?

[ধানিকঙ্কণ ছ'জনা চূপ কোরে রইলো।]

কালবৈশাখী

কমল

পা'বার প্রত্যাশায় ভালোবাসলেই বিড়ম্বনা সহিতে হয় অনেক । দেবার আনন্দে যদি বিদীন কোরতে পারিস তোর সমস্ত কামনা, নির্ঝিকার চিন্তে যদি সহ্য কোরতে পারিস তাঁ'র সমস্ত অবিচার, তবেই তুই পা'বি যথার্থ শান্তির সন্ধান ।

রেবা

উপদেশছলে এ কথা আমিও বুঝিয়েছি আমার মনকে, কিন্তু মন ত আমার মানে না এ উপদেশের বাঁধন—ছুটে যায় অবিরাম ভাঙ্গনের পথে । তাঁ'কে ভোলবার আর কোনো উপায় নেই কমল ?

কমল

(ঘাড় নাড়িয়া)

না, রেবা আর ত কোনো উপায় নেই ।

[পাতায় জড়ানো ফুল ও মালা লইয়া
বিজন প্রবেশ করিল ; লক্ষ্যই পড়লো
না তাঁ'র যে সেখানে রেবা আছে ।]

বিজন

কমল, এই ফুলগুলো দিয়ে সাজাও সমস্ত গৃহকোণগুলি—

[কমল পাতায় মোড়া ফুলের মালা
ধুলিতে লাগিলো ।]

কমল

কিন্তু এতগুলো মালা আন্তে গেলেন কেন ?

বিজন

যাঁ'রা আসবেন শুধু তাঁ'দের জন্মই ত আনি নি। আজ যে আমাদেরও—

[কমল ব্যাপারটা বুঝিতে পারিয়া
ইঙ্গিতে রেবাকে দেখাইয়া দিলো।]

কমল

(বাধা দিয়া)

বিজনবাবু, আপনার সঙ্গে পরিচয় কোরিয়ে দিতে ভুলে গেছি আমার
বান্ধবী রেবার সঙ্গে। বড় সুন্দর গান গায় ও। আর রেবা ইনিই
হোচ্ছে বিজনবাবু, যাঁ'র কথা তোকে কতবার বোলেছি।

[বিজন ও রেবা পরস্পর পরস্পরকে
নমস্কার ও প্রতিনমস্কার করিল।]

রেবা

আপনার সঙ্গে পরিচয় করবার সুযোগ পেয়ে সুখী হ'লাম।

বিজন

কিন্তু শুধু মৌখিক পরিচয়ে আমি ত সুখী হোতে পারলাম না।

রেবা

(সহাস্তে)

আর কি পরিচয় আপনি চান্ ?

বিজন

যে পরিচয় পেলাম কমলের মুখে, তা'র একটা নিদর্শন।

রেবা

আজ আমায় ক্ষমা করুন বিজনবাবু আমার অক্ষমতার জন্ম—মন

কালবৈশাখী

বিজন

ও সব বাকবিতণ্ডা আজ থাক্ কমল। তর্ক-বিতর্কের তীব্রতায়
আজকের মধুরত্ব নষ্ট কোরো না।

কমল

(অপ্রস্তুত হইয়া)

তাইত কথায় কথায় সন্ধ্যা হোয়ে গেছে, আমি লক্ষ্যই করি নি।

[উঠিয়া কয়েকটি প্রতিকৃতির গলে
মালা পরাইয়া দিলো ও রঙ-বেরঙের
আলো জ্বালিয়া দিলো।]

নিমন্ত্রিতদেব সব আসবার সময় হোয়ে গেলো। আপনি একটু বসুন,
আমি শীঘ্রই আসছি।

[বিজন সহাস্তে সন্মতীসূচক ঘাড়
নাড়িল, কমলও কি ভাবিয়া হাসিতে
হাসিতে ভিতরে গেলো।]

বিজন

(আপনমনে)

আজকের রাতটা স্বপ্নের মত মধুর। আজ বুঝতে পারছি, সত্যি
বিশ্ব ত নিঃস্ব নয়।

[ভিতর হইতে কমলকে ডাকিতে
ডাকিতে ভুবনমোহন প্রবেশ করিল।]

ভুবন

কমল, কমল।

(বিজনকে দেখিয়া)

ও, তুমি এসেছো বিজন । তোমার সঙ্গে একটা কথা আছে, তোমার এখন সময় হ'বে শোন্বার ।

বিজন

আজ্ঞে, বলুন ।

ভুবন

একটা কথা অনেকদিন ধরে বোলবো মনে করি কিন্তু বোলতে সাহস করি নি । জানো ত পরিপূর্ণ সুখ আমার নয় না । তুমি বোধ হয় শুনেছো যে আজ মৃগাল ফিরে আসবে ?

[বিজন সমর্থনসূচক ষাড় নাড়িল ।

এ আমার মহা-আনন্দ বিজন ; হারানো পুত্রকে ফিরে পাওয়া যে কী আনন্দ তুমি হয়ত ঠিক বুঝবে না ; তবু জেনো জগতের সমস্ত আনন্দ ম্লান হয়ে যায় এ আনন্দের তুলনায় । এ আনন্দের তুফান মিলিয়ে বা'বার পূর্বেই আমি আর একটা গুরুভার নামাতে চাই, সে হোচ্ছে কমলের বিবাহ ।

[বিজন চমকিয়া উঠিল ।]

বিজন

আমায় কি কোরতে হ'বে আদেশ করুন ।

ভুবন

কমলের বিবাহের বয়স বহুদিন উত্তীর্ণ হয়ে গেছে, তবু এতদিন এ বিষয়ে কোনো চেষ্টা করি নি কেনো জানো ?

[বিজন নিরুত্তর হইয়া রহিল ।]

যেদিন থেকে তোমার সঙ্গে পরিচয় হয়, সে দিন থেকেই আমার মনের

কালবৈশাখী

আর আমি সে বারেই বোলে গেছলাম যে কমল যখন আপনার স্বন্ধে
ভর কোরেছে, তখন বেশীদিন আর আপনাকে বিজনে থাকতে দেবে না ।
আমার সে কথা আজ সত্যি কিনা বলুন বিজনবাবু ।

বিজন

(বিশ্বয়ের ভান করিয়া)

আপনাদের কোন কথাই ত আমি বুঝতে পারলাম না ।

রমা

ও রকম অবস্থায় পড়লে আমরাও যে ঠিক বুঝতে পারতাম, এ আশ্বাস
আপনাকে দিতে পারি না । জানেন ত ও সময়টার বিশেষত্ব হচ্ছে
পদে পদে ভুল ।

কমল

(কৃত্রিম রাগের ভান করিয়া)

রমা, রেণু, ব্যাপারটা না বুঝেই তোরা কি বাড়াবাড়ি শুরু কোরলি ?

শান্তি

এর আর বোঝবার কি বাকী আছে কমল ? তোমার বুঝতে যে টুকু
বাকী আছে সেইটুকু বুঝিয়ে দি, তুই চুপ্ কোরে বোসে শোন ।

[কমলকে নিজের কেরার পাশে
বসাইলো]

গা' না, রমা, রেণু, সেই গানটা পথে আসতে আসতে যেটা গাইছিলি ।

[তিমজনে মিলিয়া গাহিতে লাগিল]

(গান)

এলাম ছুটে সাঁজের বেলা

তোমার হৃদি-গোলাপ-বাগে :

বন্ধু, নবীন উৎসাহেতে

নয়কো কেবল অনুরাগে ।

রঙীন সাজে সাজিয়ে দিয়ে

অলকদামে পুষ্পরাশি ;

তোর সে শোভা মনোলোভা

দেখতে বড় ভালোবাসি ।

(বিজনের উদ্দেশ্যে)

বিজন বনের কমল খানি

চয়ন করি আজকে রাতে ;

পড়িয়ে দেবো কণ্ঠে তোমার

আমরা সবাই আপন হাতে ।

[গান শেষ হ'বার পূর্বেই বিন্দু
প্রবেশ করিল]

বিন্দু

তোরা এর মধ্যে এত মাতামাতি শুরু কোরলি ; না জানি, সে এলে
কি কোরবি ?

রেণু

কে পিসি ?

কালবৈশাখী

কমল

বাবা, আজকের দিনেও তোমার দেৱী ?

ভুবন

বড় অন্যায় হোয়ে গেছে কমল, অনভ্যস্ত হৃদয়টাকে উৎসবের উপযোগী কোরে নিতে আমায় বড় বেগ পেতে হোয়েছে। আর তুই যখন এখানে আছিস, বিজন নয়েছে, তখন অতিথিদের যে অমর্যাদা হ'বে না এ বিশ্বাস আমার ছিলো।

(মহেন্দ্ৰের উদ্দেশে)

তা'র পর তুমি কতক্ষণ এসেছো মহেন্দ্ৰ ?

মহেন্দ্ৰ

আজ্ঞে বেশীক্ষণ নয়,—এই মিনিট কয়েক হোল।

ভুবন

বেশ, বেশ।

(নরেন্দ্ৰকে লক্ষ্য করিয়া)

উনি কে ? চিন্তে পারছি না ত।

মহেন্দ্ৰ

ও আমাদের নরেন্দ্ৰ।

ভুবন

ও নরেন্দ্ৰ, বেশ, বেশ। আর চোখেরই বা দোষ কি ? কতদিন তোমাদের সঙ্গে দেখাসাক্ষাৎ হয় নি। তুমি এখন কি কোরছো নরেন্দ্ৰ ?

নরেন্দ্ৰ

আজ্ঞে, দেশে কৃষিকর্ম কোরছি।

ভুবন

খুব ভালো ; আজকাল এই যে চাকুরীর মোহ অল্পে অল্পে কেটে
যাচ্ছে, এটা দেশের একটা শুভলক্ষণ। এই পর-নির্ভরশীল জাতটাকে
সবার আগে হাতে হ'বে স্বাবলম্বী, তা'র পর অন্য কথা। আত্মোন্নতি
নাহলে সমাজের বা দেশের উন্নতি কিছুতেই হাতে পারে না।

(বিজনের উদ্দেশ্যে)

তোমায় এই কথাটাই সেদিন বোল্ছিলাম না বিজন ?

[বিজন সমর্থন-সূচক ঘাড় নাড়িল]

(নরেন্দ্রের উদ্দেশ্যে)

তোমায় দেখে খুবই আনন্দিত হোলাম নরেন্দ্র। নিজের জীবনের
সার্থকতার ওপর সংসারে অনেকের সার্থকতা নির্ভর করে, আর একটি
জীবনের ব্যর্থতা অনেকগুলি জীবনকে নিষ্ফল কোরে দিয়ে যায়। বাজে
কথায় অনেক সময় নষ্ট হোয়ে গেলো। কমল একখানা গান শুনিযে
অতিথিদের তৃপ্ত কব।

[কমল অর্গ্যান-সংযোগে গাহিতে
লাগিল। ভুবনমোহন ধীরে ধীরে ভিতরে
গেলো]

(গান)

কথার মাঝে হারিয়ে গেছে

আমার প্রাণের গান।

এখন আমি সভার মাঝে

গাইবো কিসের গান ?

কালবৈশাখী

আশ্রয়হারা পুত্র আমার, আশ্রয়ের অভাব বুঝতে পারলেই আবার ফিরে আসবে আমার বুকে। সে আজ কতদিন! কিন্তু আজ যেন সেদিনের সুস্পষ্ট ছায়া দেখতে পারছি প্রকৃতির এই প্রলয়-নর্ভনের মাঝে।

কমল

এ ঝঞ্ঝারও একটা সার্থকতা আছে বাবা, তুমি দেখতে পাও নি সে আভাস কিন্তু আমি পেয়েছি। যে ঝটিকার আবর্তনে অভিমানের যাত্রা শুরু হয়েছিলো আমার দাদাব, তা'রই পুনরাবর্তনে এ যাত্রার পরিসমাপ্তি হ'বে। সে আসবেই, আমার মনে হয় সে শুধু অপেক্ষায় ছিলো এইটুকুর।

ভুবন

(রুগ্ন হইয়া)

নিরর্থক তর্ক কোরিস নি কমল, আমি জানি কি চায় এই প্রলয়ঘেরা রাত। নিয়তির অটুহাসি আমি শুনতে পেয়েছি, আমার পরাজয়-মাথানো অশ্রুর মালা পড়ে বিজয়-গর্বে সে আমার পানে তাকিয়ে আছে। কিন্তু আজ আমি এই প্রলয়রাত্রির বুকে অসার্থকতার বেদনা জাগিয়ে তুলবো।

(অহুরোধের সুরে কমলকে উদ্দেশ্য-করিয়া)

তুই শুধু আমার সহায় হ' মা, দেখি নিয়তিরও পরাজয় আছে কি না ?

কমল

(সাগ্রহে)

আমায় কি কোরতে হ'বে বলো বাবা।

ভুবন

উন্মুক্ত ছুয়ার বন্ধ কোরে দে, বাহিরের কাউকে আজকের এই রাতে প্রবেশ কোরতে দিস নি—আমার শত অনুরোধেও না ।

কমল

কিন্তু বাবা, যদি সে ছুয়ার বন্ধ দেখে অভিমানভরে চলে যায় ?

ভুবন

যদি সে চলে যায় আমি তা'কে বুঝিয়ে কালই ফিরিয়ে আনবো, আর যদি সে নাই আসে আমার শত অনুরোধেও, তবে তা'কে চিরদিনের মত হারানোর চেয়ে এ যে ভালো হ'বে মা ।

কমল

কিন্তু বাবা, কি দুর্জয় তা'র অভিমান তা' ত তুমি জানো ।

ভুবন

(উত্তেজিতভাবে)

বৃথা তর্ক কোরিস নি ; শীঘ্র ছুয়ার বন্ধ কোরে দে মা । আমি শুধু একবার দেখতে চাই এই প্রলয়-রাত্রির পরাজয় আছে কি না ? সে আমায় কি ইঙ্গিত কোরছে জানিস কমল ? না, না, না, সে তো'র শুনে কাজ নেই মা, সে যে বড় মর্মান্তিকী—তুই আমার কথা শোন, ছুয়ার বন্ধ কোরে দে ।

[কমল অনিচ্ছাসবে ছুয়ার বন্ধ করিল । ভুবনমোহন অশান্তমনে ভিতরে গেলো ।]

কালবৈশাখী

নরেন্দ্র

এ দুর্ঘ্যোগে সে আসবেই বা কেমন কোরে বিজনবাবু? আমরা এখন যাই, আর একদিন দেখা কোরবো।

বিজন

আপনারা ভুলে যাচ্ছেন যে আজ আমি এখানে আপনাদেরই মতো একজন। এ অনুমতি পেতে হোলে আবেদন কোরতে হ'বে কমলের কাছে, আমার কাছে নয়।

রমা

বিজনবাবু ঠুঁর অপরাধ যে উনি বর্তমানকে ফেলে কয়েকদিন এগিয়ে গেছেন।

বিজন

এর অর্থ?

রেণু

(হাসিতে হাসিতে)

বিজনবাবু, রমা বোলতে চায় যে কিছুদিন পরে হোলে অনুমতি নিতে হ'তো আপনার কাছ থেকে, কমলের কাছে নয়।

বিজন

(ঈষৎ হাসিয়া)

ওঃ ।

[বাহির হইতে বাউলের করুণ গানের সুর ভেসে আসছিলো।]

কমল

না বাবা ওঁরা কিছুই মনে করেন নি, পিসি ওঁদের সব বুঝিয়ে বোলেছে।

ভুবন

কাল সকালে আমি নিজে আমার ক্রটীর জন্ত প্রত্যেকের শনিকট মার্জনা চেয়ে নেবো।

[ছয়ারে মৃদু করাঘাত শোনা গেলো]

ছয়ারে কে আঘাত কোরছে না ?

কমল

(সাগ্রহে)

হাঁ বাবা, বোধ হয় ওঁরা এসেছে, দেখছো না প্রত্যেকটি আঘাতে কেন একটা কুণ্ডা জড়িয়ে আছে।

ভুবন

(কমলকে কাছে টানিয়া)

কমল, বিশ্বাস করিস নি ওই মায়ার। ও আজ যত মায়ার জানে সব প্রয়োগ কোরবে একটির পর একটি, কিন্তু প্রত্যেকটি যে ব্যর্থ হোয়ে যাবে তা' ত ও জানে না।

[আবার করাঘাত শোনা গেলো।]

কমল

না বাবা, অহেতুক কল্পনার বশীভূত হোয়ে যা'রা এসেছে তা'দের কিরিয়ে দেওয়া কি সম্ভব হ'বে ?

কালবৈশাখী

ভুবন

অহেতুক নয় কমল। আমার ওপর আজকের রাতটা তুই নির্ভর কর।

[আবার করাঘাত স্পষ্ট শোনা
গেলো।]

কমল

ঐ আবার করাঘাত ! কত আশা বুকে কোরে বা'রা এসেছে এ হেন
ছর্যোগ উপেক্ষা কোরে, কোন্ প্রাণে ছয়ার হোতে তা'দের ফিরিয়ে
দেবো ? আমি আমার উত্তেজনা দমন কোরতে পারছি না বাবা, তুমি
আমার এ অপরাধ ক্ষমা করো।

[ছয়ার খুলিতে গেলো]

ভুবন

(উচ্চৈঃস্বরে)

মায়ায় ভুলিস্ নি কমল—ছয়ার খুলিস্ নি।

[ভুবনমোহন কেদারা হইতে উঠিয়া
কমলকে বাধা দিতে গেলো, কমল তত-
ক্ষণে ছয়ার খুলিয়া দিয়াছে। বাহিরের
ঝড়ো হাওয়ার সংঘাতে দীপ নিভিয়া
গেলো ; সেই স্নান অন্ধকারে শ্বেতবস্ত্র-
পরিহিতা সুরমা প্রবেশ করিল। অজানা
বিপদের আশঙ্কায় ভুবনমোহন অভিভূতের
মত দাঁড়াইয়া রহিল।]

কমল

এই যে বৌদি এসেছে। দেখেছো বাবা, বলিনি, আজ তা'রা আসবেই।
দাদা বুঝি লজ্জায় প্রবেশ কোরতে পারছে না বৌদি? আমি নিজে
গিয়ে তা'কে ডেকে আনছি।

[কমল বাহিরে ষাইবার চেষ্টা
করিল, সুরমা তা'কে বাধা দিলো।]

সুরমা

না বোন, আর সে আসবে না।

কমল

(বিস্ময়ে)

কেন এখনও কি তাঁ'র দুর্জয় অভিমান যায় নি ?

সুরমা

(ভগ্নকণ্ঠে)

অভিমান নয় কমল, তিনি যে জন্মের মতো চলে গেছেন।

কমল

এঁ'গা, দাদা নেই! দাদা, দাদা।

[কমল মূচ্ছিতা হোয়ে পড়ে গেলো।
সেই কান্নার শব্দে বিন্দু ছুটে এলো।]